


太平御覽

百五十七



内閣文庫		
番號	漢	1842
冊數	240 (157)	
函號	列	14 1




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







太平御覽卷第五百九十五

文部十一

淺草文庫

論

議

牋

啟

書記

論

李充翰林論曰研欲明理而論難王馬論貴於允理不求

支離若指康之論文矣

文心雕龍曰論者倫也倫理無爽則聖意不墮昔仲尼惟

言門人追記故仰其經目稱為論語蓋群論立名始於茲

矣論者彌綸群言而研精一理也是以莊周齊物以論為

名不常春秋六論昭列至如石渠論藝白虎講聚述聖通
經綸家之正辭也及班彪王命嚴尤三將敷述昭情善入
史辭魏之初霸術無名法傳嘏王粲校練名理迄至正始
務欲守文而何宴之徒始盛玄論於是聃周當路與尼父
爭塗矣詳觀蘭石之才性仲宣之去代叔夜之辯聲太初
之卒玄輔嗣之兩例平叔之二論並師心獨見鋒穎精密
蓋論之英也至乃李康運命同論衡而過之陸機辨亡効
過泰而不及然亦每失原夫論之為辭所以辨正然否窮
有數追無及形鑽堅求通鈎深取極乃百慮之筌蹄萬事

之權衡也故其義貴圓通之忌技碎必使心與理合彌逢
莫見其隙詞共心密敵人不知所乘其要也斯是以論譬
折薪貴破理斤利者越理而橫斷詞辨者反能義而取通
覽文雖巧而檢迹如妄惟君子能通天下之志安可以曲
論哉

漢書曰班彪遭王莽亂避地隴右時隗囂據隴右囂問彪
曰往者周亡戰國並爭天下分裂意者縱橫之事復起於
今吾將承運迭興在一人也願先王論之彪既感囂言又
愍狂狡之不息乃著王命論以救時難

後漢書曰王符耿介不同於俗因而憤志著書以議於世不欲彰名號曰潜夫論

晉書裴頠傳曰頠深患時俗放蕩不遵儒術何晏阮籍素有重名於世口談浮虛不遵禮法躑祿寵任初不事事至王衍之徒聲譽大盛位高勢重不以物務自嬰遂相倣效風教陵遲乃著崇有之論以釋其弊

梁書曰范鎮字真南陽舞陰人也齊景陵王子良盛招賓客鎮豫焉子良性好釋教鎮不信因著神威論以明之子良集僧難之而不能屈王筠難鎮曰嗚呼苑子曾不知其

先祖神靈所在鎮答曰嗚呼王子知其先祖神靈所在而不能殺身以從之

後周書柳亂時人論文辭者以今古之異虬以時有古今非文有古今乃為文質論

隋書曰開皇之末國家殷盛朝野皆以遼東為意劉炫以為遼東不可伐作撫夷論以諷焉當時莫有悟者及大業之年三征不克炫言方驗

典論曰余觀賈誼過秦論發周秦之得失通古今之制義洽以三代之風潤以聖人之化斯可謂作者矣

抱朴子曰洪造穹天論云天形穹隆如笠冒地若謂天北方遠者是北方星宜細三方矣
語錄曰宋岱為青州刺史著無鬼論甚精莫能屈後有書生詣岱談論次及無鬼論書生乃拂衣曰君絕我輩血食二十餘年以君有青牛髯奴所以未得相困今奴已死可得相制矣言終而去明日岱亡

議

說文曰議語也又曰論難也

周易節卦曰君子以制度數議得行

文心雕龍曰周爰咨謀是謂為議議之行宜審事宜也易之節卦君子以制度數議德行

周書曰議事以制政乃弗迷議貴節制經典之體也昔管仲稱軒轅有明臺之議則其來遠矣洪水之難堯咨四岳宅撥之舉舜疇五成三代所興詢及葛藟春秋釋宋魯桓務義及趙靈胡而季父爭議商鞅变法而甘龍交辨強憲章無美而同異足觀迄至有漢始立駁議駁者雜也雜議不絕故曰駁也自兩漢文明楷式昭備藹藹多士發言盈庭若賈誼之備代諸生可謂捷於議矣至如主父之駁挾

方安國之辨匈奴賈損之陳於朱崖劉歆辨於祖宗雖質
文不同得事要矣若乃張敏之斷輕侮郭躬之議擅誅程
曉之駁校事司馬芝之議貨錢何曾蠲出女之科秦考定
賈充之謚事實允當可謂達議幹矣漢世善駁則應邵為
首晋代能議則傅咸為宗然仲瑗博古而詮貫以叙長虞
職治而屬辭枝繁及陸機斷議亦有鋒穎而腴辭不剪頗
畧文骨亦各有美風格存焉夫動先擬議明用議疑所實
於前代規變通於當今理不謬搖其枝字不安舒其藻郊
祀必洞於理戎事宜練於兵田穀先曉於農斷誦務精於

律然後標以顯議約以正辭文以辨潔為能不以繁縟為
巧事以明覈為美不以深隱為奇此綱領之大要也若不
達政辭而舞筆美文支離構辭穿鑿會巧空聘其華固為
事實所擯設得其理亦為浮辭所埋矣昔秦女嫁晋從文
衣之勝者晋人貴勝而不賤女楚鬻珠於鄭鄭為薰珪之
積鄭人買擯而還珠若文浮於理未勝其本則秦勝楚珠
復在於茲矣

李充翰林論曰在朝辨政而議奏出宜以遠大為本陸機
議晋斷亦名其美矣

三國典畧曰王粲才既高辨鍾繇王郎等雖名為魏卿相
於朝廷奏議皆閣筆不敢措手
南史曰馬聚梁天鑑初詔通儒定五禮有司舉聚脩嘉禮
除尚書祠部即時創定禮樂聚所建議多見施行兼中書
通事舍人每告凶禮當時名儒明山賓賀場等疑不能斷
者皆取決焉

唐書曰天寶中崔昌上封事推五行之運以各家合承周
漢其周隋不合為二王後請廢詔下尚書崇使公卿議昌
獨見之名群議不屈會集賢院學士會包抗表陳議論之

夜四星聚於尾宿天意昭然上心遂定求殷周漢後為三
恪廢韓介鄴等公以昌為左贊善大夫

蔡邕獨斷曰有疑事公卿百官會議若臺閣有正處而獨
孰異意者曰駁議曰某官某甲議以為如是下言臣愚意
議異其非駁議不得議異

金樓子曰余後為江州副君賜報曰京師有論云論議當
如湘東王士官當如此王充充時始為僕射領選也

牋

說文曰牋表職書也

文心雕龍曰牋者表也識表其情也崔寔奏記於公府則
崇讓之德音矣黃香奉牋於江夏亦蕭恭之遺式矣公幹
牋記文麗而規益子桓弗論故世所共遺若畧名取實則
有美於為詩矣劉廙謝恩喻切以至陸機自叙情周而巧
牋之善者也原牋記之為式既上規乎表亦下脫乎書使
敬而不憚簡而無傲清美以惠其才彪蔚以文其響蓋牋
記之分也

晉書曰劉卞字叔龍東平須昌人也本兵家子質直少言
為縣小吏功曹夜醉如廁使下執燭不從功曹衛之以它

事補亭子有祖秀才者於亭中作與刺史牋久不成卞教
之數言卓犖有大致秀才謂縣令曰卞公府掾之精者卿
云何以亭子令即召為門下吏

異苑曰河內苟儒字君林乘冰者舅氏陷河而死兄倫字
君父未尸積日不得設祭水則又投牋與河伯經一宿岸
側冰開尸手執牋浮出倫又牋謝之

啓

說文曰啓傳信也

服虔通俗文曰官信曰啓

張璠漢記曰董卓呼三臺尚書以下自詣卓啓事然後
得行

文心雕龍曰啓者開也高宗云啓乃心妖朕心蓋其義
也孝景諱啓故兩漢無稱至魏國牋記始云啓聞奏事
之末或云謹啓自晉宋盛啓用兼表奏陳政言事既奏
之異條讓爵謝恩亦表之別幹心歛徹入規從其音節
辨要輕清之而不侈亦啓之大畧也

書記

文心雕龍曰大舜云書周職哉所以記時事也蓋聖賢言

辭總為之書書之為辭主言者也

漢書曰蘇武與帝惠使匈奴被留昭帝即位數使使至匈奴常惠請其守者與俱得夜見漢使具自陳道教使者謂單于言天子射上林得鴈足有係帛書言武等在某澤中使者大喜如惠語單于視左右而驚謝漢使曰武等實在于是遺還漢

太平御覽卷第五百九十五

平身重... 對者大喜... 單于言... 太平御覽卷第五百九十五

太平御覽卷第五百九十六

文部十二

誅

弔文

哀辭

哀策

誅

釋名曰誅累也累列其事而稱之也

說文曰誅謚也

周禮春官曰太史掌建邦之六典大喪執法以蒞勸防遺之日讀誅喪事攷焉小喪賜謚

禮記檀弓曰魯哀公誅孔丘曰天憇遺耆老莫相予位焉

嗚呼哀哉尼父

又曾子問曰賤不誅貴幼不誅長禮也唯天子稱天以誅之諸侯相誅非禮也

擅弓上曰魯莊公及宋人戰于乘丘縣賁父御卜國為右馬驚敗績公墜佐軍授綬公曰未之卜也縣賁父曰它日不敗績而今敗績是無勇也遂死之圍人浴馬有流矢在白肉公曰非其罪也遂誅之士之有誅自此始也

傳曰誅者累其行迹而為之謚也

漢書曰景帝中元二年春三月令諸侯王薨列侯初封及

之國大鴻臚奏謚誅奏列侯薨及諸侯太傅初徐之官大行奏謚誅策

東觀漢記曰杜篤字季雅客居美陽與美陽令遊數從請託不諧頗相恨令怒收篤送京師會大司馬吳漢薨世祖詔諸儒誅之篤於獄中為誅辭最高世祖美之賜帛免死魏志明帝詔曹植曰吾既薄才至於賦誄特不閑兕陵上還哀懷未散作兒耗為田家公語耳荅曰奉詔并見聖思所作故平源公主誄文義相扶章章殊聲句句感切哀動聖明痛貫天地楚王臣彪等聞臣為讀莫不揮涕

晉中興書曰却死之日貴踐操筆為誄者四十餘人其為物所宗如此

齊書曰謝超宗有名譽善屬文為新安王子鸞常待王母殷叔義率超宗作誄奏帝大嗟賞謂謝莊曰超宗殊鳳毛也

文章流別善曰詩頌箴名之篇皆有往古成文可依而作惟誄無定制故足者多異為見於典籍者左傳有魯哀公為孔子誄

文心雕龍曰周世甚德有銘誄之文大夫之才臨喪能誄

誄者累其德行旌之不朽也夏商之前其詳靡聞周雖有誄文被於士又賤不誄貴幼不誄長其在物乘則稱天以誄之讀誄定謚其節文大矣自魯莊戰乘立始及於士迨尼父之卒哀公作誄觀其慙遺之辭嗚呼之嘆雖非睿作古式存焉至抑妻之誄惠之則辭哀而韻長矣暨乎漢世承流而作揚雄之誄元右文實煩穢沙麓撮其要而摯疑成篇安有誄德述尊而潤畧四句乎杜篤之誄有譽前代吳誄雖工而結篇頗踈豈以見稱光武而顧盼千金哉傳毅所製文體倫序存山崔瑗辨黎相恭觀序如傳辭靡律

調固誄之才也潘岳構意專師孝山巧於叙悲易入新麗
所以隔代相望徵能厥聲者也至如崔駰誄趙劉陶誄黃
並得憲章貴在簡要陳思叨名而體實繁緩文皇誄女旨
言自陳其乖甚矣若夫殷陳誄湯追褒玄鳥之祚周史歌
文上闡后稷之烈誄述祖宗蓋詩人之則也至於序述哀
情觸類而長傳毅之誄北海云白日幽光霧霞杳冥如序
致惑遂為後式景而效者彌取於巧矣詳夫誄之為制蓋
選言以錄行傳體而頌文榮始而哀終論其人也暖乎若
可覲道哀也悽焉如何傷此其旨也

南史曰宋謝莊作宣貴妃誄首贊堯門方之漢鈞戈也及
廢帝即位下莊于獄曰卿作此誄時知有東宮否

列女傳曰柳下惠死門下將誄之妻曰將述夫子德耶二
三子不若余知乃為誄曰夫子之信誠與人無害兮嗚呼
哀哉神魂泄兮夫子之謚且為惠兮門人從之

世說曰長孫樂作王長史誄云余與夫子交非勢利心猶
澄水同此玄味王孝伯見云才士不遜亡祖何至與此人

周旋

弔文

文心雕龍曰吊者至也詩云神之吊矣言神至也君子令終定謚事極理哀故賓之慰主亦以至到為言也壓溺乖道所以不吊矣又宋水鄭火行人奉辭國災人亡故同吊也及晉築虎臺齊襲燕城史趙蘇秦翻賀為吊害民構怨亦亡之道九斯之例吊之所設也或驕貴以殞身或狷介以乖道或有志而無時或行美而兼累追而慰之病名為吊自賈誼浮湘發憤布屈辭周而事嚴辭清而理哀蓋首出之作也又相如之吊二世全為賦辭拒殫以為其言惻愴讀者嘆息及卒章要切斷而能悲也揚雄吊屈鬼積功

寡意深文畧故辭韻沉臆班彪蔡邕並敏於致語然影附賈氏難為並驅耳胡院之吊夷齊褒而無文仲宣所製譏呵實工然則胡院嘉其清王子傷其隘各其志也彌衡之吊平子緝麗而輕清陸譏之吊魏武詞巧而文繁降斯已下未有可稱者矣夫吊雖古義而華辭未造華韻緩則化而為賦固宜正義以繩理昭德而塞通折割褒貶哀而有正則無奪倫矣

哀辭

文章流別傳曰哀辭者誄之流也崔瑗蘇順馬融等為之

率以書於童殤大折不以壽終者建安中文帝臨淄侯各
失稚子命徐幹劉楨等為之哀辭哀辭之辭以哀痛為主
緣以嘆心之辭

文心雕龍曰哀者依也悲實依心故曰哀也以辭遺哀蓋
下淚之悼故不在黃髮必施夭昏昔三良殉秦百夫莫贖
事均天橫黃鳥賦哀抑亦詩人之哀辭乎漢武封禪而霍
嬪暴亡帝傷而作詩亦哀辭之類也降及後漢汝陽王亡
崔瑗哀辭始變前式然履突鬼門怪而不辭駕龍乘雲遷
而不哀又卒章五言頗似歌謠以髣髴乎漢武也至於蘇

順張升並述哀文雖發其情華而未極心實建安哀辭唯
偉長差善行女一篇時有惻怛及潘岳繼作實踵其美觀
其慮尚辭變情洞悲苦叙事如傳結言摹詩促節四言鮮
有緩句故能義直而文婉辭舊而初新金鹿澤蘭莫之或
繼也原夫哀辭大辭情主於痛傷而辭窮乎愛惜幼未成
唐書曰開元七年十一月以貢奉人將謁先師質問疑義
敕皇太子曰及諸子未志孝而道在尊師且行齒胃禮

策

晉尚書大事曰按洛陽舊官室自有太孝園子辟雍不相

預也為無漢魏舊事皆言釋奠祠先聖於辟雍未有言太
奉者又言和中成皇帝釋奠於中堂之前臺中故事亦白
辟雍是為漢魏之世初自兩立至釋奠便在辟雍仇存今
廢辟雍而立二奉中興以來相違太常王彪之答魏帝齊
王有使司釋奠於辟雍北事魏之大事非晉書舊典太始
元康釋奠太奉不在辟雍太始五年二行響禮皆用辟雍
不在太奉是則釋奠於太奉行響於辟雍唯有晉已行之
准也中朝有辟雍猶在太奉况無辟雍有太奉更當不在
太奉乎宰相從太常

晉范堅問馮懷曰漢氏以來釋奠先師唯仲尼不及公三
百年來無此文

太平御覽卷第五百九十七

晉書王湛問謝安曰安乃以未詳莫亦謂謝朝運才及公二

太平御覽卷第五百九十七

文部十三

檄

檄

說文曰檄二尺書也從木檄聲

釋名曰檄激也下官所以以激迎其上書之也

李充翰林論曰盟檄發於師旅相如喻蜀父老可謂德音

矣

又起居戒曰軍書羽檄非儒者之事但家奉道法言不及

殺語不虛誕而檄不切厲則敵心陵言不誇壯則軍容弱請姑舍之以待能者

文心雕龍曰昔有虞氏始戒於國夏后初誓於軍殷誓軍門之外周將交刃而誓之故知帝世戒兵三王誓師宣訓我衆未及敵人也至周穆西征祭公謀父稱古有威讓之令有文誥之詞即檄之本源也及春秋征伐自諸侯出悞敵不服故兵出須名振此威風暴彼昏亂劉歆公所謂告之以文嗣董之以武師者也齊桓征楚結菁茅之闕晉厲伐秦責箕郤之焚管仲呂相奉詞先路詳其意義即今之

檄文暨乎戰國始稱為檄者曠也宣布於外皎然明白也張儀檄楚書以尺二明白之文或稱露布夫兵以定亂莫敢自專天子親戎則稱恭行天罰諸侯禦師則云肅將正誅故分闡推轂秦詞伐楚非唯其至果為毅亦屬詞為武聲如衡風所擊氣以挽鎗所掃奮其武怒總其罪人乘其惡捨之時顯其貫盈之數搖姦宄之膽訂信慎之心使百尺之衝摧折於咫書萬雉之城顛墜於一檄者也觀隗囂之檄亡新布其三逆文不雕希而詞切事明隴右文士得檄之體也陳琳之檄壯有骨鯁雖姦闖携養章密太甚發

丘模金誣過其虐然抗詞書曩皦然曝露鍾會檄蜀徵
驗甚明桓温檄明觀曩尤切並壯筆也九檄之大體或述
此休明或叙彼苛虐指天時審人事笑強弱角權勢標著
龜於前驗懸鑿鑑於已然雖本國信實恭兵詐詭誦以馳
旨煒曄以騰說九此衆條莫之或違者也故其直義颺詞
務在剛健挿羽以示迅不可使詞緩露板以宣衆不可使
義隱必事昭而理辨氣盛而詞斷此其要也若曲趣密巧
無所取才矣

史記曰張儀魏人嘗從楚相亡璧意儀盜之掠笞數百後

儀既相秦為檄告楚相曰吾從汝飲不盜汝璧善守汝國
我且盜汝城

漢書曰申屠嘉為丞相鄧通在上旁怠慢嘉奏事言因曰
陛下幸群臣則富貴之至於朝廷之禮不可以不肅上曰
君勿言吾思之罷朝嘉為檄召通曰不來且斬通共言於
上上曰速往吾令召汝通志丞相府免冠徒洗頓首謝嘉
嘉不為禮責曰朝廷者高帝朝廷也通小臣戲殿上大不
敬當斬史合行斬之通頓首血出不解文帝度嘉已困通
持節召通而謝嘉曰此吾弄臣君釋之

東觀漢記曰光武敕召諸將置酒賞賜坐席之間以要其
死力當此之時賊檄日以百數憂百可勝上猶以餘閒講
經藝

後漢書曰耿恭為戍已校尉移檄烏孫示漢威德大昆彌
已下皆喜遣使獻名馬

魏書曰陳琳作檄草成呈太祖太祖先若頭風是日疾發
卧讀琳所衆翕然而起曰此愈我疾初太祖平勦謂城琳
曰君昔為本初作檄書但罪孤而已何乃上及父祖乎琳
謝曰矢在絃上不得不發太祖愛其才不咎

張華別傳曰駕西征鍾會次長安華兼中侍郎從行掌軍
中書疏表檄文帝善之

晉書曰易雄長沙人也為舂陵令刺史譙王承既拒王敦
將謀起兵以赴朝庭雄承符馳檄遠近列王敦罪惡城陷
為其所虜意氣慷慨神色無忤送到武昌敦遣人持檄示
雄而教之曰此實有之惜雄位微力弱不能救國之難王
室如燬安用生為今日即戮得作忠鬼乃所願也敦憚其
辭正釋之衆人皆賀雄笑曰昨夜夢乘車掛斤其傍夫肉
必有筋筋者斤也車傍有斤吾其戮乎尋而敦遣殺之當

時見者無不傷惋
續晉陽秋曰何無忌母劉牢之女弟也無忌與高祖謀夜
於屏風裏製檄文毋潛於屏風上窺既知其謀大喜謂曰
汝能知此吾讐言耻雪矣
嵇氏世家曰吾字君道為中書郎書檄云集合不起草
北齊書曰高祖西討命中外府司馬李義深知相府城局
李士畧共作檄文二人皆辭請以孫塞自代高祖引塞入
帳自為吹火催促之塞援立成其文甚美高祖大悅即署
相府主簿專典文筆

梁書曰元帝擒宋子仙及丁和送之江陵並下于獄子仙
檄湘東曰既瞻且虺爾剪伊何即書記沈炯之文也有司
焚燬湘東弗知僧辨購炯獲之酌錢十萬炯既不敢謁見
惟誦事于僧辨自軍此書咸出於炯

陳書曰趙知禮涉獵文史善書翰武帝之討元仲景也或
薦之引為記室知禮涉文瞻速每召製書下筆便就率皆
稱旨

國朝傳記曰元萬頃初為契苾何力征高麗管記作檄書
云不知守鴨綠之險莫離支報曰謹聞命矣遂移兵固守

官軍不得入萬頃坐流嶺南

唐書曰李巨川為華州掌書記時李茂貞犯京師天子駐蹕於華韓庭以一州之力供億萬乘恐其不遺濟川巨傳檄天下請助轉餉同匡王室完葺京城四方書檄酬報輻輳巨川灑翰陳叙文理俱愜昭宗深重之時巨川之名聞於天下

移

文心雕龍曰移者易也移風易俗令往而人隨者也相如之難蜀老文曉而喻博有移易之古焉及刘歆之移太常

詞剛而義辨文移之首也陸機之移百官言簡而事顯武移之要者也故檄移為用事兼文武其在金革則逆黨用檄順眾資移所以洗濯民心堅明待契意則小異而體義大同

露布

文心雕龍曰露布者蓋露板不封布視諸聽也後漢書曰鮑永為師隸校尉子昱復拜焉後詔昱詣尚書使封胡降檄光武遣小黄門問昱有所怪不對曰臣聞政事通官文書不著姓又當司徒露布怪使司隸下書而著

姓也帝報曰吾故令天下知忠臣之子復為司隸也

後魏書曰邢劼從征漢北岳後至高祖曰至此以來雖未擒滅城隍已崩想在不遠所以緩攻者正待中書為露布耳

後周書曰宇文神舉幽州人盧昌期祖英伯等聚眾據范陽反詔神舉率兵討之齊黃門侍郎盧思道亦在及中賊平見獲解衣將伏法誅神舉素歛其才名乃釋而禮之即令草露布其待士禮賢如此

北齊書曰杜弼從高祖及西魏於印山命為露布弼即書

絹曾不起草

世說曰桓武北征袁席時從彼責免官會須露布文喚袁倚馬前令作手不暫輟俄頃得七紙殊可觀王東亭亦在側絕嘆其才

國史補曰李晟破朱泚德宗覽收城露布之文云成已肅清官禁祇謁寢園鐘虡不移廟貌如故上感涕失聲左右六官皆嗚咽諭有以國朝捷書露布無如此者于公異之詞也公異後為陸贄所忌誣以家行不至賜孝經一卷墮坎而終

太平御覽卷第五百九十七 終

符 契券 鐵券 過所

太平御覽卷第五百九十八

文部十四

符

契券

鐵券

過所

零丁

符

說文曰符信也漢制以竹長六寸分而相合

釋名曰符付也書所制命於上符傳行之

文心雕龍曰符者孚也徵召防偽事資中孚三代玉瑞漢

世金竹末代從省代以書翰矣

史記曰秦昭王破趙長平又進圍邯鄲魏昭王之子無忌
號信陵君其姊為趙惠文王弟平原君夫人平原君數遣
公子書請救于魏魏王使將軍晉鄙將十萬衆救趙實持
兩端以觀望平原君使者相屬謂公子曰今邯鄲且暮降
秦魏救不至獨不憐公子姊也公子患之過侯嬴問計嬴
屏人語曰嬴聞晉鄙兵符長在王卧内而如姬最幸力能
竊之嬴如姬父為人所殺公子使客斬其仇頭進敬如姬
如姬欲為公子死無所辭公子誠一開口以請姬姬心許
諾公子從其計如果盜晉鄙兵符與公子遂矯魏王令奪

晉鄙兵進擊秦秦軍遂解

漢書曰文帝二年九月初與郡守相為銅虎竹使符

後漢書曰初禁網尚簡但以璽書發兵未有虎符之信杜
詩上疏曰臣聞兵者國之凶器聖人所慎舊制發兵以虎
符其餘微調竹使而已符策合會取為大信所以明著國
命歛持威重也間者發兵但用璽書或以詔令如有奸人
詐偽無由知覺愚為軍以旅尚與賊虜未殄微兵郡國且
有重慎可立虎符以絕奸端昔魏之公子威傾傾國猶假
兵符以解趙圍若無如姬之仇則其功不顯事有亡而不

可省費而不得已蓋謂此也書奏從之
東觀漢記曰延熹五年長沙賊起攻沒蒼梧取銅虎符太
守甘定刺史候輔各奔出城
隋書曰高祖頒青龍符於東方總管刺史西方以駟虞南
方以朱雀北方以玄武又頒木魚符於總管刺史雌一雄
一又頒木魚符於外官五品以上
列女傳曰楚昭貞姜者齊侯之女楚昭王之夫人也昭王
出遊留夫人漸臺之上而去王聞江水大至遣使者迎夫
人志持符夫人曰妾聞召官人以符今使者不持符妾不

敢從行使者於是反取符及還則大水至臺下夫人流而
死王曰嗟乎夫人守義而死為不苟處約持信以成其貞
乃號曰貞姜

契券

擇名曰券縷也相約束縷以為限也大書中央中破別
之也契効也効識其數也

世說曰券契也別之書以刀刻其旁也故曰契也

漢書曰高祖微時好酒及色從王媪武負貫酒時飲醉卧
武負王媪見其上有怪高祖每酤留飲酒仇數倍又見怪

歲竟兩家常折券棄責

楚漢春秋曰高祖初封侯者皆書券曰使黃河如帶泰山如礪漢有宗廟無絕言也

東觀漢記曰樊重字君雲南陽人家素富外孫何氏兄弟爭財重耻之以田二頃解其忿縣中稱美推為三老年八十餘終其所假貸人間數百萬遺令焚削文契債家聞之皆慙爭往償之諸子竟不肯受

晉書曰諸侯官司徒令應給職使者每借文書上道五十日宣勅使使各手書書定見破券諸送迎者所受別郡投

數寫朱券為薄集上

宋書曰顧綽觀之子也私財甚豐鄉里士庶多負債觀之禁不能止及觀之為吳郡太守出文券一大厨悉令焚之宣言遠近皆不須還綽嘆彌日

唐書曰太宗時東謝渠帥來朝東謝者南蠻之別種也在黔安之東地方千里其俗無文書刻木為約

夢書曰券契為有信夢得券契有信士也

文心雕龍曰契者結也上古純質結繩執契今羗胡徵數負販記緡其遺風也

戰國策曰孟嘗君使馮驩收責於薛曰責畢市吾家所寡者馮驩召民畢集以責賜民因燒其券還見孟嘗君曰君家所寡者義也臣竊矯命舍責以賜民此為君市義也魏子曰仲尼無券契於天下而德著古今善惡明也王褒僮約曰蜀郡王子淵以涸湍止寡婦揚惠舍惠有夫時奴名便了子淵倩奴酤酒便拽大杖天豕顛曰大夫買便了時但要守家不要為他人男子酤酒子淵大怒曰奴寧欲賣耶惠曰奴艾訶人人無欲者子淵即決買券云奴復曰欲使者皆上券不上券便了不能為也子淵曰諾券

文曰神爵三年正月十五日資中男子王子淵從成都安志里女子揚惠買亡夫時戶下髯奴便了決賈萬五千奴當從百役使不得有二言晨起早掃食了洗滌浚渠縛落鉏園斫陌杜埤地刻大加屈竹作把削治鹿盧居當穿白縛帚栽孟鑿斗織履作麓黏者張烏結網捕魚繳鴈彈鳧種薑養羊長育豚狗二月春分焚搓發羊鷄鳴起春蕪落三重調治馬戶滌枉整菜園中拔蒜斲蘇切脯飲酒裁得染唇漬口不得傾盃覆斗用錢推訪壘敗撥亭綿亭買席往來都洛當為婦女求脂澤敗轉出旁蹉牽大敗鴉武都

買茶揚氏池中擔荷入市不得夷躄旁卧惡言醜罵多作
刀茅持入益州貨易牛羊自教精學不得痴愚得斧入山
斷棘栽棘若有餘殘當作俎几木履及瓦盤焚薪作炭礪
薄岸治舍蓋屋書削笈代牘日暮欲歸當送乾薪雨三束
四月當披九月當獲十月收豆榆麥害芋南安捨粟採摘
持車載輦多取蒲茅蓋作繩索雨墮所無為當編蔣織薄
植種桃李梨柿柘桑三丈一樹八尺為行果類相從徒橫
相當果熟叔歛不得叱嘗犬吠當起警告隣里振門柱戶
上樓擊鼓持盾曳矛還落三周勤心疾作不得遨遊奴老

力索種莞織席事訖休息當舂一石夜半無事浣衣當白
若有私錢主給賔客奴不得有奸私事當閉白奴不聽教
當笞一百讀券文適訖辭窮咋索乞叩頭兩手自縛目
淚下落鼻梯長一尺審如王大夫言不如早歸黃土陌丘
矧鑽額早知當爾大夫酤酒真不敢作惡也
邵氏家傳曰邵仲金好賑施年八十一臨卒取其貸錢物
書券自於目前焚之曰吾不能德教子孫不欲復以賄利
累之及貸者還錢子孫不受曰不能光顯先人豈可傷其

義乎

鐵券

東觀漢記曰桓帝延熹八年妖賊蓋登搆大皇帝有璧二十珪五鐵券十一後伏誅

晉中興書曰初帝在閔中與氏羗破鐵券約不役使

三國典畧曰梁任東降周果字靜蠻南安人也世為方隅

豪族任於江右志在立功太祖嘉其遠來待以優禮後除

始州刺史封樂安公賜以鐵券聽世傳襲

過所

釋名曰過所至閔津以示或曰傳轉也移轉所在識為信

也

史記曰甯成為右內史外戚多毀成之短抵罪髡鉗是時

九卿死罪即死少彼刑而成極刑自以不復收於是解脫

詐刻傳出閔歸家

零丁

齊楷既曰因步山有廟甚靈呂思與少婦投宿夫婦思逐

覓見大城廳事一人紗絹馮几左右競來擊之思以刀研

計當殺百餘人餘者便乃大走向人盡成死狸者向廳乃

是古始大冢上穿下甚明見一郡女子在冢裏見其婦如

失性人因抱出冢口又入抱取於先女子有數十中有通
自己生毛者亦毛脚面成狸者須臾天晚將歸還亭吏
問之具如此答前後有失貌女者零丁有數十吏歛此零
至冢口迎此群女隨冢遠近而報之各迎取於此後一二
年廟無復零

太平御覽卷第五百九十九

品量文章

嘆賞

改易

詆訶

品量文章

後周書薛寘傳曰前中書監盧柔學業優深文藻華瞻而
寘與之方駕故世號曰盧薛焉

梁書曰何遜文章與劉孝綽並見時重謂之何劉梁元帝
著論云時多而能者沈約文少而能者謝朓何遜

三國典畧曰刘逖字子長少好弋獵騎射後發憤讀書頗
工詩詠行臺尚書席毗當嘲之曰君輩詞藻譬若春榮須

史之說非宏財也豈比吾徒千丈松樹常有風霜不可凋
悴逆報之曰既有寒未又發春榮何如也毗笑曰可矣
唐書曰富嘉謨雍州武功人也舉進士長安中累轉晉陽
尉與新安吳少微友善同官先是文士撰碑頌皆以徐史
為宗氣調漸劣嘉謨與少微屬詞皆以經典為本時人欽
慕之史辭一變稱為吳富辭嘉謨作雙龍泉頌千燭谷頌
少微撰崇福寺鐘銘詞最高雅作者推重

魏文帝典畧曰文人相輕自古而然傳毅之於班固不重
之聞耳而固小之與第超書曰武仲以能屬文為蘭臺令

史下筆不能自休夫人闇於自見而文非一辭鮮能備善
是以各以所長相輕相短俚語曰家有弊帚享之千金斯
不自見之患也今之文人魯國孔融文學廣陵陳琳孔璋
山陽王粲仲宣北海徐翰偉長陳留阮瑀元瑜汝南鹿瑒
德璉東平劉楨公翰斯七子者於學無所遺於辭無所假
咸自以騁驟驥於千里仰齊足而並遺以此相報亦良難
矣蓋君子審己以度人故能免於斯累而作論文王粲長
於辭賦徐幹時有齊氣然粲之匹也如粲之初征登樓櫓
賦幹之玄猿漏卮圓扇搗賦雖張蔡不足過也然於他文

未能稱是琳瑯之章表書記今之俊也應瑒和而不批劉
楨壯而不密孔融辭氣高妙有過人者然不持論理不勝
辭至於雜以嘲戲及其時有所善揚班之鑄也常人貴遠
賤近向聲背實又惠闇於自見謂己為賢夫文本同而未
異蓋奏議宜雅書論宜理銘誄尚實詩賦欲麗此四科不
同故能之者偏也惟通才能備其辭文以氣為主氣之清
濁有辭不可力強而致譬諸音樂曲度雖均節奏同檢至
於引氣不齊巧拙有素雖在父兄不能以子移弟蓋文章
經國之大業不朽之盛事年壽有時而盡榮樂止乎其身

於翰墨見意於篇籍不假良史之辭不託飛馳之勢而聲
名自傳於後故西伯幽而演易周旦顯而制禮不以隱約
而不務不以康樂而加思夫然則古人賤尺璧而重寸陰
懼乎時之過矣人之多不強力貧賤則懾於饑寒富貴則
流於逸樂遂營目前之務而遺千載之功日月逝於上辭
貌衰於下忽然於萬物遷化斯亦志士之大痛也融等已
逝惟幹著論成一家之言

傳子曰或問劉閣列向孰言傳子曰向才學俗而志忠歌
才學通而行邪詩之雅誦書之典謨文質足以相副玩之

若近尋之益遠陳之若四研之若隱浩浩乎其文章之淵府也

李充幹林論曰潘安仁之為文也猶翔禽之羽毛衣被之綃縠

抱朴子曰世說王充一代英偉所著之時有小疵猶御林枯枝蒼海芥未易貶者

嘆賞

唐書曰張載為濠汜池賦司隸校尉傅玄見而嗟嘆以車迎之言譚盡日為之延譽遂知名

尚史曰王筠字元禮善屬文沈約每見其文章咨嗟謂曰

昔蔡伯喈見王仲宣曰吾家書籍悉當相語僕雖不敏請

附斯言筠嘗以時呈約報書嘆詠以為後進擅美約又嘗

謂筠叔志曰賢弟子文文章之美可謂後來獨秀

吳均齊春秋曰丘靈鞠善屬文章孝武殷貴妃亡靈鞠上

挽歌詩云雲橫廣陌闇霜深高殿寒帝摘句咨嗟賞之即

轉為新安王北平中郎中叅軍

唐書曰封敖為幹林學士拜中書舍人敖構思敏速語近

而理勝不務奇澁武宗深重之嘗草賜陣傷邊將詔警句

云傷居爾辭痛在朕躬帝覽而善之賜之宮錦李德俗在
相傷定策破迴鶻劉誅積議兵之際同列或有不可之言
惟德俗籌計指畫竟立奇功武宗賞之封魏國公守太尉
其制語有過橫議於風波定奇謀於掌握逆積盜兵壺關
畫鏢造膝嘉話開懷靜思意皆我同言不他感制出教往
慶之德俗口誦此教句撫教白陸生有言所恨文不追意
如卿此語秉筆者不易措言坐中解其所賜玉帶以遺教
深禮重之

世說曰孫興公作天台賦成以示苑榮期曰卿試擲置地

要作金石之聲苑曰恐子之金石非宮商中聲然每至佳
句輒云應是我輩語

顏氏家訓曰劉孝綽當時既有重名无所與讓唯服謝詠
置几案動輒諷咏其文

太平御覽卷第五百九十九

太平御覽卷第六百
文部十六

思疾

思遲

思疾

漢書曰枚舉年十七上書自陳枚乘之子得喜大
武帝春秋二十九乃得皇太子舉與東方朔作皇太
子生賦舉為文疾受詔趣成司馬相如善為文而遲
故少作所思王維平十行於前諸書編又稱
又曰淮南王安作內篇新出上安秘之使作離騷傳

旦受詔食時即上
魏志曰陳思王植年十餘歲讀誦詩書論及辭賦數
萬言善屬文太祖嘗視其文謂植曰汝倩人耳植跪曰
出言為論下筆成章顧當面試柰何倩人時銅雀臺新成
太祖悉將諸子登臺使各為賦植援筆立成太祖異之文
帝嘗欲害植以其無罪令植七步為詩若不成如軍法植
即應聲曰煮豆燃豆其豆在釜中泣本是同根生相煎何
太急文帝善之

齊書曰蕭文琰蘭陵人丘令楷吳興人江珙音濟濟陽人竟

陵王子良嘗夜集學士刻燭為詩四首者刻一寸以此為
率文琰曰燒一寸燭成四韻詩何難之有乃與丘令楷江
珙等其擊銅鉢音韻響滅則詩成皆可觀覽

南史曰朱怡遷散騎常侍怡容貌魁梧能舉止雖出自群
生甚閉軍國故實自周捨卒後怡代掌机密其軍旅謀謨
方鎮改換朝儀因典詔誥勅書並典掌之四方表疏當局
簿領詔詳情斷填委於前异屬辭落紙覽事下議縱橫敏
瞻不暫停筆頃刻之間諸事便了

北齊書曰魏收鉅鹿人以文章見知曾奉詔為封禪文收

對曰封者帝之盛事昔司馬長卿尚絕筆於此以臣下財
何敢輒疑臣雖愚淺敢不竭作乃於御前下筆便就不力
藁草文將千言黃門侍郎賈思同侍立深奇之白帝曰雖
七步之才無以過此自武定二年以後國家大事詔命軍
國文詞皆叔所作每有警急不停有同宿構連敏之工刑
温之所不逮

梁書曰苑云少机警其識其善屬文便尺牘下筆輒成未
嘗定藁時人擬其宿構

蕭介傳曰初武帝招延後進二十余人置酒賦詩不成罰

酒一斗減眉飲盡顏色不變言笑自若介染翰便便成文
無加點帝兩每之曰減眉之飲蕭介之文即席之美也

三國典畧曰高承詞渤海王聞謝挺徐陵來聘遣中書侍
郎陸昂於滑臺迎勞於席賦詩昂必先成雖未能盡工亦
以敏速見美

北史曰隋韋玄正舉秀才揚素志在識退乃手題使掇司
馬如相上林賦王褒上主得賢臣頌班固燕然山銘張載
劍閣銘白鸚鵡賦謂曰我不能為君住宿可至未時令就
玄正及時並了數讀篇大驚

隋書曰楊素周武帝以為車騎大將軍儀同三司漸見禮
遇帝命素為詔書下筆立成詞義兼美帝嘉之顧謂素曰
善自勉之勿憂不富貴素應聲答曰臣但恐富貴來逼臣
臣無心富貴

唐書曰太宗征遼岑文本卒於行驛召許敬宗令草駐驛
山破賊詔書敬宗立於馬前俄頃而就詞甚典麗深見嘆
賞

金樓子曰劉備叛走曹操使阮瑀為書與備馬上立成有
以此為能者吾以為兒戲耳


國朝傳記曰李德林為內史令與楊素共執朝正素功臣
豪侈後房婦女錦衣玉食千人德林子百藥入其室則其
寵妾所召也素拘執于庭將斬之百藥年未二十餘神俊
秀素意惜之曰聞汝善為文所作詩自叙稱吾意者當免
汝死解縛授以筆立就素覽之欣然以妾與之并資從數
十萬

思遲

西京雜記曰枚臯文章敏疾長卿制作淹遲皆盡一時之譽
然長卿首尾溫麗枚臯時有累句故知疾行無善迹矣楊

子雲曰軍旅之際戎馬之間龍書走檄而用牧臯廟廟之
下朝廷之中文高典冊而用相如
後漢書曰張衡字平子少遊大孝善屬文大始時天下自
公侯以已莫不踰後衡乃提班固兩都遂作二京賦因以
諷諫思十年始成
梁書曰武帝晏壽光殿令劉孺張率賦詩時卒與孺並辭
未及成帝取孺手板戲題之曰張率東南美劉孺洛陽才
攬筆便應就何事久遲迴
隋書曰薛道衡授內史侍郎加上儀同三司道衡每至構

文必隱空齋踰壁而卧聞戶外有人便怒其沉思如此
唐書曰李翰天室中寓居陽翟為文精密用思苦澁常從
陽翟令皇甫曾求音樂每思酒則奏樂神逸則著文



太平御覽卷第六百

Faint vertical text columns within the ruled area, likely bleed-through from the reverse side of the page.

